

JABLESS
by Albert Lawrence

CHORUS

Jabless, oh Jabless, ah walk 'bout de town
Me done decide me ain't hinging aroun'
Jabless, oh Jabless, ah walk 'bout de town
Me done decide me ain't hinging aroun.

Verse 1

Mooma tell me from since ah bin small
Dem ah half human, half animal,
Dat is why, me ah try
Never fuh bounce up wid any at all. (Chorus)

Verse 2

George bin meet one inside o' one dance
Really lovely so he tek de chance
Dance wid she, wha' he see,
Horse hoof ah bounce up an' down in a prance. (Chorus)

Verse 3

Speed like fire fo' George if yo' see,
No jet plane could ah ketch up wid he
Fas' bin she, after he,
If she bin ketch 'im 'e would ah sorry. (Chorus)

Verse 4

Dick bin hidin' an' see George get way
So he tell we somet'ing de nex' day
Say dat night, was a sight,
Cause Jabless tu'n fire and fly go 'way. (Chorus)

Verse 5

Jabless, dem pretty, dem does look good.
But dem does kill yo' an' suck out yo' blood,
Cause dem gel, deal wid hell,
An' dem does tek yo' blood fo' demons food. (Chorus)

Verse 6

Though me 'fraid dem, me know what's de cure
Fo' de Jabby and dat day is sure
Yo' could bet, me done set
Wid gun an' crossed-bullet ready fo' go.